


元許文忠公至正集

柳田文庫

文庫11

D 93

4



文庫 II
293
4

273
4

010190548886

至正集卷第二十二

湯陰許文忠公有壬著

律詩

題駐蹕頌後翰長開府公請

明良千載一相逢駐蹕原頭耀國容
華表不歸遼海鶴雲車應逐鼎湖龍
元勳世豈碑傳信厚德天教子元宗
回首西郊瞻宰木懷賢誰道涕無從

至正丙戌十一月二十三日瑞雪盈尺明日恭遇太子千秋

節稱賀於徽儀閣翰長開府公惟中右轄徵詩即席賦五十六字

甲觀嵯峨拱紫宸瓊瑤一色瑩無塵
前星正次千秋節瑞象先開萬彙春
已兆豐穰在來歲肯教疵癘到吾民
辭臣不獻梁園賦毓德方期日日新



題武衛段指揮書林

相府深沈書若林牙籤插架列森森千枝萬葉本根在二帝三王
雨露深樞翳斯文功利學棟梁來世聖賢心經殘百氏紛紜出慎
勿輕栖惡木陰

題廣平何文美養浩齋

操舍存亡貴自知一齋容膝有餘師神龍淵底藏珍處文豹山中
隱霧時要使尋常塞天地休教物慾間毫釐相門堂構非難事布
聖功夫在有為潛

用原功韻贈衡雲上人

衡湘曾聽棹歌聲夢裏雲烟畫不成京國秋風添白髮楚鄉春雨
負黃精浮圖桑下宣無愛道士山中素有情何日霜華約歐子三
人相對話平生

天山牛文貴母王氏貞節

皇元聲教洽無垠節孝章章萃一門百世天存遺腹子九原魂屬
未亡人有生恨不識父面罔極安能報母恩御史作文今太史汗
青應見特書新

省椽郝志道父潤甫慶八十五壽

滄海橫流獨奠居子孫枝葉日扶踈春秋介數八十五桑梓歷年
三百餘郎署聲華聊簿領家庭陰德更詩書聖明行有蒲輪召莫
羨鄉閭下澤車

追和文山丞相題珩夫劉先生北莊詩韻既以弔文且以悼

珩夫之不用於世也鄒魯望請賦

國勢中流待一壺策廷蚤已見雄圖北莊歌詠聲未絕南海播遷
塗又殊賢士傷心多草野神州回首遂荒蕪千金墨蹟宜珍護斯

世斯人更有無

鄭叟檢討母李氏節孝

終身冰玉凜操持已見笄年剪髮時華表撐空旌大節蒼天福善與佳兒於陵但取居容膝德耀惟知業至眉珍重傳家遺稿在靜方豈是等閑詩

前衛張指揮母郭氏貞節

婦節天常豈過稱皇家彰善樹風聲百年偕老已無望一子未期今有成鈿軸金泥光暮景雪松霜柏見孤貞板輿周覽王畿近多少春和在柳營

偕拔實彥卿奉使光熙門外觀荷

帝城東北水雲鄉馬上清傳十里香萬柄雨聲秋信早一壺天影月波涼紅粧翠蓋無窮意畫省烏臺有底忙雪藕調冰鮮鮑膾人

間何物夢黃梁

題齊河訾氏壽慶堂

椿翁八袞少三齡九九萱親不杖行已見一門鍾瑞慶誰能多壽復康寧春融蘭玉增華彩雲矗桓楹揭姓名不有賢郎事揚顯他年編簡若為青

題山陰丁鍊師陽明樓追和閑閑宗師韻

人間朝徹對扶桑不比中庭月一方白日青天當正午碧桃瑤草被餘光雲間萬象無陳迹竊返三山有報章咫尺蘭亭遺址在好尋仙子共流觴

和神保欽之御史監試上京韻二首

王室銘勲有景鐘更於韋布索英雄百年人物誰名世萬卷詩書要策功聲教真機朔南暨文章公器古今同棘闈見說清霜滿餘

力成詩字字工

寸筵未許扣鴻鐘
筆陣那無一世雄
蜃海曉騰文有氣
雁霜寒早酒無功
朝廷求士方如渴
道路論心久益同
安得真才出連茹
一時分布徧臣工

和原功釣臺寄李好古韻

延祐求賢致太平
朝陽曾記鳳凰鳴
百年世路傷離合
一代斯文係重輕
江海相望添白髮
山林高蹈奈蒼生
可人幸遇吾鄉彥
袖得清風入帝城

追和王繼學韻贈韓久成

水貴藏魚亦貴清
舟須容物又須行
六經三尺相終始
一羽千金各重輕
事業期人陋東晉
文章老我愧西京
紫垣星月薇香裡
應記霜風翠柏聲

題臺都事石文禮孝行詩卷

孩提失怙母勤劬
三釜才登恃又無
創鉅始知臺上峻
淚漫都人柏枝枯
身名顯後今猶及
桓表凌空本不圖
自古忠臣有原柢
孝誠先著德充符

和黃雲川韻送盛啟宗歸長沙

陸有闢山水有波
子行豪氣不消磨
跳梁偶值孫升木
訛舛終明豕渡河
杉柏色隨新宇盛
藻芹香入舊池多
却怜萬里衝寒去
欲贈緜袍愧兩婆

題鄱陽張文叔樂壽堂

愛日常思不我延
當時毛檄亦徒然
有田底用求三釜
致養惟知盡百年
結屋地兼山水勝
承願天賦子孫賢
何當推此堂中樂
四海人家共一天

題李好古浴雪齋

厨傳蕭然閱歲華，守官何暇及生涯。浴兒肯用人間水，束緼旋融天上花。自是蒼黃時便手，却成清白世傳家。勉旃好應豐年瑞，更篤忠貞玉不瑕。

題鄭州霍彬卿遜齋

諸君談易極元微，老子惟知遜是歸。兄弟在官吾亦貴，田園成趣歲無飢。逃空已分讎迂僻，充隱由來有是非。莫訝題詩人未去，白頭萬事已忘機。

題胡安道詩卷

奕世窮經只布衣，諸孫毛質漸橫飛。故人落落悲年邁，孝子拳拳欲父歸。冰雪歲寒椿未老，家山春暖蕨應肥。蹇予綿力慚推轂，未忍隨人和式微。

題朱舜咨總管德政詩卷

魏公三至福斯民，今見真才繼後塵。千里秋原均樂土，一時寒谷便回春。空教渤海傳龔遂，爭似吾鄉待買臣。竊祿逾涯歸已晚，受廛何幸作閑人。

次韻癸未留題獨樂臺二首

萬疊西山畫不成，飛嵐馬首故相迎。之人松菊有三逕，何處雲霞更五城。門外清波浮石出，天邊紅樹照霜晴。白頭已是歸來晚，敢戀皇家祿代耕。

一生奔走歎無家，才到山巔與水涯。無秫可供千日酒，有園須種四時花。已從野老鋤黃菊，更學仙人咀絳霞。老馬同歸誰忍遣，幾年霜雪立東華。

題善應郭思誠山居次杜德常左司韻

老仙不肯住城市只在西巖深處藏靜院晝閑苔不掃小園秋盡
菊猶香有田種秫如陶令生子攻書勝陸莊便好相從結葦屋休
教夢到五雲坊

和黃仲綱韻三首

公道會逢天定日倦游姑憇歲寒時故人叨貴奈無位吾子不窮
方有詩士論聲光高北斗春風消息到南枝老當益壯况未老莫
和淵明歸去辭

乘流我惜經時別過坎天教數日留御風歸闔苑無人看月
在鄜州驚回曉夢猶如見勘破塵緣不用愁但使此心無愧作孰
為稷契孰巢由

知己相逢差可樂浮生多事不須論青雲場屋傳三策華髮江湖
付一尊朝暮說言恰草賦古今癡夢槐根感君高誼均同氣衰病

何堪擬玉昆

千戶蒙古敬臣棄職養母

幾年弓劍戍龍沙忍見堂萱夢裏花身老有親供子職人生何福
似君家但將綵服娛黃髮底用金符照白麻嗟我同庚成永感洎
旣風樹滿啼鴉

滄陽唐伯春義門

滄水悠悠照紫荆一枝枯悴兩枝榮春風能使花如舊皂纈行看
世有萌今古彝倫星日在田廬遺產羽毛輕勉旃繼嗣承先訓莫
遣謠傳粟布聲

送張困亮鍊師并序

予養疴鄉廬簡出入獨謁旣不免旣距城西北餘十里道
北郭實南北孔道每為驛使識陪留多事故出入必以星

至正己丑三月二十一日謁阡歸過洹橋數騎追及天已
星猶懼其或我識側帽緩轡道左以俟其過前驅已前俄
聞揚言此中丞耶亟來見乃困亮張君鍊師代祠武當馳
驛而道此也明日過予出京師餞章詰曰出京時念必過
相一見虛前紙請言幸勿靳予交閑開大宗師與其徒多
熟困亮主京師東岳祠園杏千株人境俱勝送客東門若
自公有暇即造馬困亮修潔能詩見則徜徉忘返別一年
矣當予避客時轂擊肩摩中天腹已暝乃邂逅相遇豈偶
然哉遂不忍以疾辭贈之詩曰
杏園陳迹夢暄妍馬上相逢豈偶然每憶可人如隔世不聞新句
又經年花迎驛路飛紅雨香到朝山散紫烟王事遊方歸有日遲
君洹水白鷗前

和董此字鍊師寄來韻

茶餘扶杖聽幽禽荷貢清香柳送陰無祿在田猶嗜酒有絃供耳
未忘琴仙山雲霧夢纔見人海波濤晚更深何日代祠因過我林
中同看翠千尋

大雨後行洹堂

遠岫雲銷凍雨晴溪傍村落逕初成避人白鳥一雙去留客黃鸝
千百聲林杪浮槎懸不墜岸邊高柳臥相撐伊誰一問田家苦土
釜無烟屋盡傾

送蕭克復赴濱州知州次留別韻

憂民寧恤甑生塵一郡安危繫一身篋笈但知三尺法詩書須作
萬家春交游去我年年少事業期君日日新早晚政成應峻擢直
教風節過埋輪

用楨韻二首

城西風物擅安陽鄉社而今債已償自笑衣冠成野逸更從花柳
看時裝酒沾松露涓涓冷詩入荷風字字香莫道年來無事業等
閑承就一天涼

半畝方塘學紫陽道心未瑩賞心償蝶飛已悟三生夢蓮褪猶存
半面裝四座賓朋連日醉一朝風雨滿城香人間政爾愁炎暑誰
信吾亭有許涼

七月二十五日圭塘獨坐二首

我坐圭塘未及年眼中生意浩無邊三秋未半荷沃若一日不來
心欲然自古人人生求適意只今先務是歸田管絃何似塤篪韻此
去新詩幾百篇

西郭園亭近市塵市塵雖近足風烟陶家事業惟栽柳周子襟懷

託愛蓮莫向人間為白眼試從水面照華顛悠悠千古滄浪意時
上扁舟自扣舷

次韻可行對景書懷

航船時泛一橋通詩壘誰能四面攻宦業向來慙柱下仙遊隨處
是壺中風聲細細來雙檜波影澄澄見七松笑傲滄洲人老矣功
名付與黑頭公

次韻可行鄉友具宴

相望不隔一牛鳴樽俎過從見至情荷露清涵芳酒氣松雲寒過
艷歌聲高車駟馬初無意白酒黃雞舊有盟醉晚烏紗從露頂絕
勝前日縛塵纓

次可行侍行韻

卜築何如履道坊千紅萬綠浸銀塘要回衰境為全盛却使閑人

號最忙活水清園容膝屋新篁高出及肩墻烟霞遮斷塵埃路繞
覺山林白日長

游秋口趙文鄉窟室次可行韻

穴居雖隘此心寬敢學溫公但自安巖腹蝸廬穿窈窕山腰蛇徑
上盤盤門無魚鎖墉無鼠泥有龍蟠棘有鸞我更巢松洹水上從
教鄉里作奇觀

秋口小酌用可行韻

山林朝市馬牛風今日歸途信不窮犬吠鷄鳴兩村近水光山色
一尊同荻花經雨半垂白黎葉未霜先試紅但惜親朋凋謝盡碧
雲回首又江東

食羸

老饕飢腹未成雷何事搜窮及五經器潔殼鮮明錯落鍼銛肉細

出縈回周官曾用供王祀離象還能作我腴縱乏魚羹心亦足敢
求香甲共鸚杯

次韻可行借故人泛舟

駭浪船歸百技收回頭人海自沈浮幽閑時作蕩舟劇踈懶猶能
與客遊紅蓼白蘋鷗鷺國清風明月鳳麟洲諸君更約源源會不
泛黃花不算秋

庚寅歲新正信筆

萬事無心綽綽然不知寒暑自推遷園池才治三三徑歲月俄驚
八八年晚景偷安難報主瘦田謀食尚祈天圭塘觴詠多餘力時
為西山一着鞭

七月二十二日與明初教授同車游圭塘

一別音容歲兩徂圭塘今日遂同車竹生晚筍方無盡荷送秋香

尚有餘清景迫人宜杖屨嫩涼隨雨入郊墟朝游夕話君休倦明日湘江託鯉魚

和蕭克復寄來韻

身退心閑地復優崑崙何用訪神州宣教愚婦侮季子休作具臣如冉求田少誰供千斛酒臺高天與四山秋幾時同鼓圭塘棹盡洗懷人兩處愁

次韻可行久雨松竹皆黃

誰教淫雨害吾松更偃窗前竹幾叢晚景盤桓方取友經年培植已成功堅貞未許移天性光霽行將藉曉風珍重歲寒心事在却憑孤月照霜空

排律

明初畜佳貓愛之甚至舟次鄆逸去作詩唁之

橐方告穴又墉穿聘得狸奴小似拳膝上手摩過子女案頭躬飼輟肥鮮初來跳戲旋床側漸至凝冥坐窟邊守噐保衣皆有致偷雞溺屋椽無愆論功除害均隣室隨主還家暫客船豈意騫騰才一日虛勞調養已經年孟存殘飯愁其餒座見餘毡憶尔眠雖豁大觀語失馬尚縈癡夢在含蟬詩書委積將誰護道路分離亦可憐湘水魚多嗟薄分鄆村犬惡恐難全空陪義甫柔為害不及昌黎乳有傳才子多情入莫訝著簪今古共悽然

至正集卷第二十二終

至正集卷第二十三

絕句五言

題理宗御書

中原榛莽日南國宴安時可惜揮毫處都忘采芑詩

鵬窩驛次伯庸韻二首

華髮憐于役青山笑不歸有詩留傳舍無杖叩巖扉
中年愁遠涉出戶即思歸驛路夜鞭馬家山晝掩扉

分臺多暇戲書都事李雲卿案二首

事簡心常靜簾垂日正長東窗高卧起來受北窗涼
北來天地濶南望道途長塞草迢迢夢庭榆葉葉涼

題蘇李泣別圖和謝敬德韻二首

死節吾已矣生還又不如天王非太忍臣罪不勝誅

親友生別去子復棄遐荒只道還家好還家恨又長

次伯生韻二首

齒髮年年改風霜日日寒誰知台輔客恰似廣文官
酒勝時一熱詩骨自多寒智不如樗里文猶可稗官

題姚子中墨竹為伯顏清卿監司賦二首

冷印枝枝月清含葉葉秋斯人有高節同在鳳池幽
香雪寒不飛琅玕濕晴碧化筆足清風蒼生待蘇息
管幼安濯足圖

吾欲髡歌髮織作幼安履復憂穢賢足遂及遼海水

息齋墨竹

竹仙骨已蜕遺墨宛如新明月秋無價清風世有人

次李沁州所寄韻八首

陽光彌六合螢燐善為功頗喜烏衣吏朝朝報獄空
繆拙遭明世涓埃竟莫增自盟惟一語休負十年燈
皇恩大無外庸瑣悉爬羅好竭方剛力年光馬注坡
量力慚叨祿懷家倦倚樓君恩如少報未老亦歸休
銅鞮古名地靡曼滿城中還似當年否吾將賦惱公
填臆愁無迹傳家貧有胎羈懷多少事晤語遲公來
地寒饒寂寞桃李雨聲中莫為妍華惜山川有涸童
紛紛榴鬢輩初亦識春風寄與迷途子康莊處處通

又次前韻

窮豈詩為崇愁酒策功雨來雲氣重花落鳥聲空
安分貧猶富持身損是增卑官無長物風雨短檠燈
編簡蟬空壺門庭雀可羅松醪今日熟一笑醉東坡

聯第陪鴻彥蜚英達鳳樓只將堅白志萬一答天休
聞道幽居好遼山紫翠中返來猿與鶴頗怨主人公
佳句不易得蠶蛛出蚌胎吾方峻吾壘專待短兵來
學道當無倦拳拳百歲中彭殤君莫較天實壽終童
思君不可見更忍障南風幸假詩筒便佳音得屢通
逆風挽舟竟日才一舍而止 二首

人力已疲極飛廉有底狂老天相補報却作一宵涼
一勺平安水翻成灑灑堆十夫牽不止姑坐待風回
水是吾鄉水 四首

水是吾鄉水漳洄會一流如何容易去似我昔年遊
水是吾鄉水洄清漳自渾去鄉無百里何事混吾洄
水是吾鄉水泥沙不可煮洄溪明日至親為汲深清

水是吾鄉水初非有愛憎漳流本雄偉我自別淄澠

夜深酒渴光遠掃蓬雪沃崖蜜見餉此時此味世無有也作
二十字謝之

藿酸何足傳茶苦謾勞烹誰沆文園渴醴醕灌碎瓊

醉中書江樓壁

湘山春欲暮湘水清可涉佳人不我留歸帆動新月

待津

昔聞輪生角今見舟在陸安得昆吾刀碎此一川玉

絕句 六言

次同年丁文苑韻 四首

花鳥晴雲不捲柳堤歸路都忘夢裡青帘搖曳柴門半掩斜陽
長日惟閑最覺清風與睡相宜竹淨不教塵到洞深惟有雲知

籬下幾叢黃菊樓頭四面青山最是夜闌清絕澗泉和月潺潺
樽俎霜餘登橋杖藜月下觀梅恰好山中酒熟先生政賦歸來

黃葵

長生殿裏仙子華陽宮中女師淡淡鵝黃衫子深深鴨綠裙兒

贈歌者文林燕用魯子暈韻

飛徧人間華屋來依天上瓊林任蹴舞筵花落休教綠葉成陰

九日書原功壁

重陽有菊無酒塵世多忙少閑京國年年白髮湘江處處青山

絕句七言

題本唐卿旌表孝義卷唐卿西域人

橋梓天殊棗有華良心初不間幽遐何年四海無旌表盡化忠臣
孝子家

子昂竹石老樹圖

嫩篁烟潤翠扶疎老樹枝殘影似無下有石兄都不問四時堅坐
看榮枯

唐三學士奕棋圖

褚亮蘇世長蔡允恭

瀛洲花滿接雲霄盛世閑多早退朝喪亂歸來得真主忍將長日
用碁消

題鄭裕卿僉事梨花錦鳩圖

雲月空明小院春粉香清拂錦衣新莫教喚起一天雨寂寞玉容
如太真

黃州烏監郡勤政堂

惜陰千古有良規一息因循事便隳厚養飽餘君試看索綯須是
最閑時

題韓國儀圖譜儀之後也當時稱桐樹韓家以別相州韓國
宋朝文獻跨隆古羨盛更推韓世家斷簡一編三百載東湖桐樹
又能華

游青山晚坐水濱

水光山影畫屏開萬樹斜陽兩岸苔獨坐魚缸觀月上撲天飛雪
鷺鷥來

和南谷平章題李呂公亭韻

四海茫茫一劍飛何年游戲漫留詩多應黃鶴樓前月曾見御風
歸去時

琳宮詞次安南王韻十首

流雲洞闢列仙朝飛佩聲寒下紫霄天上豈知鳧是鳥人間虛說
鵲成橋

閭苑春多不惜春萬年風物一般新可憐塵土藍田路亦有區區
種玉人

雲窗留月曙先微瑶草含風露未晞却笑天台客桃花零落
又春歸

涼入簾幃夜色輕瑤臺添月更虛明一壺天地渾無迹只有清風
動竹聲

通明殿曉侍薰爐還駕扶搖返故都風景便宜收拾取去莫教滄海
有遺珠

山林活計只餐霞世事茫茫日自斜謫到玉堂無好况夜深猶草
侍中麻

人人開口說元閨翻使身心兩不閑老子年來惟解睡從教海上
有仙山

千金休買失船壺
汲挽知須幾轆轤
昨夜山房新釀熟
一瓢和月泛雲腴
神山雲矗碧天齊
滄海如杯太華低
非是眼高空八表
世間何物不醯鷄
松筠扶翠護危樓
涌出清寒萬斛秋
回老乘風無覓處
碧天如水角悠悠

題趙秉彝所藏墨竹

冷雲香霧濕霏霏
翠影浮空畫欲迷
何處秋聲最瀟灑
玉堂風月鳳曾栖

洞賓像為秉彝作

三山引去幾萬里
道在眼前人不知
雲海從公定何日
秋風先染鬢成絲

織錦迴文圖

明珠金縷爛縈回
香玉連環剪不開
不把肺肝都織出
將軍惟識趙陽臺

春日漫述

竹几蒲團懶最宜
不知花影隔窗移
鄰翁忽報小甕熟
老子坐忘成坐馳

玉關臨商德符山水

商家滇蜀得山時
心與山逢手豈知
兔起鶴立君試看
不從商學有餘師

一犁春雨圖

素餐無補合歸休
但願人間歲有秋
昨夜東風能事畢
三時消盡百年憂

汝南郭晦夫割塋旁地為祭田有譏其非古者予為解之亦
取其不得已也猶僅可之意後世伐塋內荆榛為燬燎之
需而自給者視晦夫益遠矣

古制圭田墮渺茫有家隆替亦何常孝誠未暇論多事一片秋風
黍稷香

和繼學南歸至鄂韻二首

梅花零落柳條青人在孤篷月在汀明日瑣窗春夢覺祇應乾鵲
檀多靈
達人去就一毫輕看徧江湘眼倍明夔府惠州詩有樣朱崖應是
不虛行

賞心亭

賞心亭上雙柏樹看我往來今十年柏樹青青宛如昔當時游子

巴華顛

蛾眉亭

一代無詩萬象塵江山消得謫仙人騎鯨一去不復返空使雙蛾
萬古顰

昭明太子廟

一編和璧間南金鼓動唐人著錄心韓筆不推三代上六經事業
幾銷沉

鄱陽即事二首

蠲稅輸金莫不苛永蛇為害更加多打門悍吏如狼虎銷盡銀釵
有幾何
禁弛池湖恤困窮小罾敝筍若為功攔江數罟橫千尺却被豪家
一舉空

李正德御史分行廣西子行廣東相遇滕王閣醉中次其韻
二首

紅樹青山照纒絲江南無地不宜詩秋光如畫天如水渾是京華
夢到時

遠浦浮空凝晚色好山烘日出晴嵐滕王閣上一分手人過梅關
南復南

峽江二首

賈胡輕作數年留住徧江頭賣酒樓從此木綿成利窟主家兒塔
定纏頭

見說燕雲布價添久居輕別恨厭厭明年江口好相候定駕大船
來賣鹽

杜子美象

刪後騷餘代有聞集成惟許杜陵人憑誰寄語公流者流到江西
不是春

臥龍圖 梁儀府所收

能辨人間大有年九淵誰道抱珠眠等閑莫似龍中起雨得西南
蕞爾天

題大別寺石壁禪師懷可堂

老可而今骨已塵只留老壁翠嶙峋可憐懷可悠悠意多少人間
未可人

衡山王尉因蛙得疑獄邑人圖而頌之求題

事當人力難盡處微物依憑庸有之司馬家兒誰喚起而今真可
問公私

鵬窩驛次伯庸壁間韻 四首

居庸無壘有人烟
龍虎風雲俱上天
漢家談笑中興了
大勝天驕

多控弦

綠蕪千里動荒烟
白鳥一行飛上天
落日飢鷺叫平澤
鳴鶉何處

發驚弦

桑乾水面晴生烟
桑乾嶺頭青入天
勸君過嶺莫回首
歸心恐如

矢去弦

濛濛山色濕非烟
四野穹廬垂一天
去家幾時驗明月
昨日上弦

今下弦

和曹子貞辟間韻

桑乾高接碧天長
五月松風灑碎霜
馬上饋茶僧亦笑
今年更比

昔年忙

歸雁

八月風高縱所如
歸期回首是春初
上林天子援弓繳
窮海縲臣有所思

至正集卷二十三終

至正集卷第二十四

絕句

過安山

家家門戶瞰清流更向垂楊繫釣舟
遠客多情無計住江山雖好只供愁

却信卿號洄溪以詩調之

我愛洄溪作扁題不知君已號洄溪
號從君取溪湏論君領溪東我住西

何叟

青山何叟八十五能說王師狗鄂州
子孫都不識兵革老我但思狐首邱

龍眠蹠鬻馬圖

至正集卷第二十四

七絕二

二十

平沙細草好相忘同類胡為苦自傷明日雕鞍響珂月九衢塵土
要君忙

郭乾暉鷄子

霜風一夕淨雲林架上難羈萬里心莫怪主人留滯久要觀神俊
不從禽

鼠狼捕雀圖

天飛穴處本何仇口腹區區苦見求休羨蚨兒搜捕盡又能媒汝
上竿頭

張師善恬齋

氣機安處息飛潛虛自充盈澹自甜却是南華苦多事才言養智
使非恬

楊與可州判以道寓扁所居子山太監為之書

亘天體物初非寓襲取無恒自遠之但看鳶飛魚躍處從知滕口
不煩詩

李遵道竹石老木圖

石怪木老含秀潤翠竹却愛秋聲多一門毫素亦可念今日李家
無小坡

商德符枯木雙石圖二首

千霜百霆摧不盡石兄歲晚能相從山人一見竒興發欲踞虎豹
登虬龍

石非攻玉木非材半委荒烟半是苔偃蹇郊原能事畢誰教收入
畫圖來

自得齋

一齋風月浩無邊畢竟中間別有天若向筆端求此意斲輪父子

不相傳

題蘇昌齡集書

崑山玄圃玉抵鵲燕石可擲不可藏我不知書還及我又令雞鶩
厠鸞鳳

題思齋宣慰遠景圖

霜空高閣捲疎簾天外青山見幾尖不為眼前無可樂主人心地
似陶潛

贈秋海樓

玲瓏初日射雲烟俯看鯨波不盡天却被世人疑蜃氣豈知詩骨
自能仙

送盧教諭赴安化二首

官冷從知不為貧古來師道重千鈞休言邑泮才涓滴中有斯文

萬斛春

相寒嶽翠滿烟霞橘後江梅又作花羈思宦情都莫問好詩先出
廣文家

題墨梅橫披贈高納鄰參政

冰霜為骨玉為姿奉贈佳人政所宜莫待雲山隔南北才憑驛使
寄相思

臨唐馬圖

一早曹韓骨九臬圍人御策亦茫然典型更到傳摹後不道房精
已上天

胡清卿寂然齋二首

嚮晦深深踵息時天到此總無為就中太極真形狀說與蒙莊
未必知

幽人一室靜沉沉
靜室何如靜此心
莫道無弦便無事
室中今日更無琴

上水石

真源天一氣常浮海
運黃宮在上游
卷石底湏分頂踵
層崖千仞有懸流

題錢舜舉三仙奕棋圖二首

山林袒跣久忘形
天地悠悠付一枰
誰識傍觀三昧手
支頤無語任輸贏

高嶺仙真隱橘迴
手談隨處觸元機
人間柯爛知多少
一老乘風尚未歸

清江老樹圖

霜餘澄碧晚悠悠
老樹踈雲冷浸秋
好段江湖清絕地
幾時容我繫漁舟

繫漁舟

牛背觀書圖

蒲鞵盤膝勝安輿
人訝形骸與世踈
却笑徙居三十乘
恰如牛背一編書

畫馬

惆悵孫陽世久無
紛紛駑驥遂齊驅
不教神物俱湮滅
猶幸人間有畫圖

送洪元振便養

冷掾間闈不瘠貧
白雲况有倚閭人
從知後日千鍾祿
何似黎羹一笑春

翟志道永思堂

孝思非但與生俱
耿耿精誠永不渝
看取九原身後月
蒼茫長照

栢枝枯

二驥圖為劉仲禮御史賦

買骨千金世已奇
雙龍何日下天池
一鳴奮起君休惜
不似當年五仗時

送劉縣尹之宣甯

春暄有地從南北
郡邑無常自古今
寄語長人都莫問
斯民三代一良心

丙吉問牛圖

肥充列鼎健充車
厚養專為簿領馭
千古清風梓人傳
憑誰書繼丙家圖

和康里子山韻四首

洞深春早透蘭芽
窗曉雲香亂海霞
萬丈紅塵飛不到
紫簫吹綻

碧桃花

草芳風軟小池濱
花露沾詩字字新
為問杜門緣底事
人生難得是閑身

落花飛絮亂濛濛
縱使繁華瞬息中
見說臨池揮洒處
老懷無酒自春風

風細流蘇颺綉毬
簾斜捲柳絲柔
日長靜對爐熏坐
一椀黃雲暖不流

范蠡圖

平日千金土不如
功成歸固良圖扁
舟若更無西子萬
古清風滿五湖

病馬圖

將軍功就畫堂深
伏櫪依垂老病侵
縱使房星天上去
涓人持骨

尚千金

松滋唐可臣提點得山谷三詩石刻求和
苦竹泉在松滋竹林寺

竹林寺竹苦如藥却鮮涓涓出醴泉甘苦就中真味在慎勿燃竹
把泉煎

橙麪湯

昔有洞庭春色酒更求湯液到金橙浮花拍梳醉不得笑殺街頭
曳袋僧

蓮子湯

玉井經秋收翠蓋水仙分杵出元霜可憐大華高十丈辨得華磁
一勺香

仙釋會飲圖

紛紛仙釋聞高閑占斷雲霞幾處山幸有濁醪宜盡醉莫留言語
落人間

朱元章臨羲之帖郭才卿戶部所藏

浮雲鳥迹久微茫遂使王家號檀場屋下更來重架屋令人還笑
朱元章

余蓬山墨竹四首

與可乘雲去不還墨香傳印到蓬山曾中自可容千畝筆下時教
露一斑

天機傳到十分清曾向淇川印月明更被涼颼舞蒼翠眼中無葉
不秋聲

幾竿秋碧掠雲高風月幽林豈不遭底事一朝經結實山巔朱鳳
正嗷嗷

老耕槎芽含古春一枝寒碧自凌雲石兄不肯事攻玉只恐他山無此君

稚川移居圖

墨突不黔因救世君方逃世復何之妻孥莫憚驅馳苦曾有雲霄拔宅時

湘瀏胡子明大匠也誦子厚梓人傳甚習為余作屋蓋無愧楊潛者其歸也以二口號餞之

大匠由來有相才心骨樓閣暗崔嵬山中宰相難論此曾見山中道士來

十年鵬海漫遊遨今日鷓鴣恰有巢慙負堂堂鳳樓手數椽繞辦蓋頭茅

題張毅夫右司所藏捕魚圖用胡紫山韻二首

達官底事賦休休見說人間窄似舟蓴菜鱸魚亦何有季鷹歸興不因秋

當時曾泛洞庭春碧灩瑤翻畫不真三十年來京國夢政須傾海濯淄塵

雪庵屏間有伯庸詩次韻二首

拂天松檜護重門恍記幽居老樹村人海紅塵漲車馬道入庭院不能諠

禪師西遊木已拱執法南歸墨尚新拂拭塵埃驚歲月題詩更有後來人

李陵臺謁左大夫二首

馬馳如蟻散平岡帳室風來百草香獮蓋泛酥皆墨潼癭盤分爨是黃羊

李陵臺下駐分臺紅藥金蓮徧地開斜日一鞭三十里北山飛雨
逐人來

胡嬪勅虎圖二首

夫恩山嶽已葭葦不見於菟只見夫坐視青衣辱如隸委身仇敵
亦安乎

一誠金石可潛通何物班寅敢爾雄多少良人苛政死夫人寸鐵
若為功

雪中觀梅圖

西湖水月強傳神畢竟天機有未真直到一壺涵太素中間才見
未萌春

至正集卷第二十四終

至正集卷第二十五

絕句

上都歸口號

嬌兒幼女逐山妻爭解行裝看賜衣顛倒海圖裨短褐絕勝杜老
北征歸

和王左丞仁夫見寄韻二首

退食偷閑晝掩門時看楓葉墜續紛感時自有為霖手何用無心
出岫雲

未能祖道設都門聊用芳尊自解紛好把胸中浩恚氣因風吹入
華山雲

題張陽岡竹間精舍二首

草木雖蕃竹最清竹間仍有讀書聲更觀淇澳青青意多少英才

待作成

清風萬斛屋三間要與夫君老歲寒只有好詩藏不得興來題上碧琅玕

題林和靖工部帖

梅花已入詩三昧工部今如魯兩生一段西湖心事了先生何意擅書名

題臨江陳道翁所藏乃翁司理宋公差考試文移時方罷科六十年來墨尚新古今良法貴相因汗顏不敢徵文獻我是登科執政人

居庸道中

萬壑清風吹酒醒居庸關下短長亭回頭不記來時路馬上春山四面青

寫家書

纔絨復拆意躊躇回首山川萬里餘羨殺朱陳老田叟一生不識寫家書

觀野花

龍沙七月野花開淺白深紅間草萊休羨一時顏色好疾風明月送霜來

中都八景和王受益教授韻

龍庭瑞靄

天兵疇昔起龍庭道契成湯始葛征千古興王天府國紅雲常護九重城

梵宇晨鐘

鴻音杳渺曙光微有客孤窗枕半歌喚起十年江海夢姑蘇城下

酒醒時

天橋夜月

長風吹月夜澄澄虹背光搖玉一泓題柱未酬空感慨何人橫笛起三更

碑亭暮烟 扶蘇墓也

子道能全任殺身後來多議不求真君看易水悲歌處風色蕭蕭愁殺人

閩山晚翠

斜陽着意染閩山淡紫濃青杳靄間望眼欲窮詩未就野雲還與鳥俱還

蘭水晴波

石齒粼粼漱碧流曾基王業振貔貅坐令四海澄清了依舊黃雲

白草秋

高巖異卉牡丹一本千花

凍未全消草未芽雲收霞卷放千花世間久絕殷韓手誰信高巖有此華

葦川春色

紛紛花草簇晴烟想象江南二月天我欲重嗟郢子律徧教沙漠似葦川

酒惡行麗正橋水濱四首時有勸余止酒者

攻愁取醉恣狂歌作惡具如醒夜何畢竟濁醪功有在醒時愁比醉時多

我生奇策三十六第一歸田次醉鄉歸計未成元有為麴生風味忍相忘

得錢沽酒政奇事投刺向人徒強顏
正門前好楊柳杖藜知去不知還

天橋流水碧悠悠徒倚吟筇數過舟
酒惡詩成殊不惡淡雲疎雨漸成秋

次高辛甫韻四首

士衡入洛筆入神采風流適二句
千古彈冠還自笑一時彈得幾多塵

平生誤事多毛穎歲晚論心有此君
開戶高眠聽春雨從知補拙不須勤

一別江南越幾秋雙瓶時夢到沙頭
柳花滿店春醪熟常記吳娃對客筇

同塵鈿槩分賢勞時泄天慳擬楚招
底用說說更多事他年公論

有烏菟

二色菊圖

嫩黃排粟點鉛華小鈿浮香綴紫葩
因識流形生發處一般秋氣兩般花

題毛女

咸陽妖鏡透肝膽三十六年愁守宮
不為餐松飛骨去脫身灰燼事重曠

信筆二首

造物知余素愛山一官故調萬山閒
山深民朴官無事却為觀山日不閒

掃除習氣却詩魔奈此青山怪我何
說與吏人休報事重陽詩好怕催科

寄友人

荒城如斗足栖遲更有青山不廢詩官况如何君莫問一貧令似冷官時

九鷺圖題曰九思者

忘魚禪定野塘空撫卷時資省察功璞朴要明疑似處休因鴻鵠又援弓

仙女奕棊圖

琪樹風清玉筍寒一枰相對意俱閑山林儘有無窮趣休說輸贏到世間

寄高元用

兩鬢烟塵朝共鬢一窗風雪夜同衾為君拈起當時語應見相思萬里心

冬夜即事二首

妻融雪冰為烹茶婢藝松明課績麻容得野夫成懶散團蒲危坐誦南華

紙窗鋪月白溶溶爐火欺燈照室紅萬籟聲沉人語定好詩都在杳冥中

鞠事洪洞途中憶小兒

一句不見小嬌兒已作歌詩寓渴思便准不才承罪狀雙親正是倚門時

小園八詠

葵

一串猩紅高出牆薰風吹雨為催粧主人不是愛顏色憐余傾心向太陽

枸杞

仙根歲久轉滋榮萬顆珠璣綴紫莖
我自去家無用處靈龜從此不須驚

菊

十年干祿走天涯却愛人間隱逸花
坐對短籬心語口高風端合讓陶家

石竹

叢叢翠節散芳妍淺白深紅簇小鈿
博物未能聊遣興何勞精究麝香眠

牽牛

萬藤纏繞一籬秋露浥芳姿翠欲流
好起西風忙結子幾多民瘼待君瘳

鷄冠

感錦接丹巧逼真恍疑

合作傳呼

絳幘人

萼

鬱鬱成叢密並畦清霜昨夜老繁枝
掃除有用材無棄正是山家打穀時

水荳

離離繁穗粳輕紅裊裊長身立瘦筇
老盡秋容人不顧只應騷客識游龍

讀順宗實錄

茅屋心事幾人知未捷何須論出師
千古效顰堪絕倒叔文高詠少陵詩

畫兔二首

身總機衡恃兩州披圖重為古人羞從知三窟非長計細草幽花
且占秋
五車身後未沉淪還染丹青自寫真莫效張龍輕變去世間多少
守株人

莊子觀泉圖

梯空鑿竇寓真筌泊汨真如水有源不假尾閭常暗泄世應無地
着卮言

宮中魚水聚扇圖

舒卷清江懷袖間蠹殘猶作畫圖看秋風棄擲深宮裏曾恨君恩
比日難

行縣書所見二首

漲潦留泥真稻畦石渠分水灌麻池醉翁社散忘歸路行過柴門
尚不知

洒水鋪穰碾不泥築場如鏡積如隄老癯已謝服勞事暖日抱孫
來護鷄

次班彥功教授韻四首

鳥兔奔騰挽不回青山還見古人來梅花都道春風早辛苦年年
最後開

詩翁下榻許頻過駕鈍無堪奈我何携得瘦藤歸去後小窗人少
月明多

松舟檣楫綠蓑衣夢裏烟霞赤辟磯想像風光吟不得一江烟雨
片帆飛

醉吸蟾光肺腑涼江湖豪氣未能忘釣鰲滄海男兒事安得綸竿

萬丈長

王樵陳君藏舊帖書法精勁有傳為宣政間許右丞者辨論紛紛未得其實吾友張夢臣又譏其徵租買物故足之買物徵租未易輕且從書法看專精王媪一見知傾國何用區區問姓名

題錢舜舉相馬圖

伏波銅式久湮微轉覺人間具眼稀更向圖中校形似真龍元不傍人飛

劉商奕碁圖

老樵柯爛不知還一局輸贏未判間滄海桑田回首變仙人元自不曾閑

林慮南樓

西山為我曉烟開正爾癡鐘造物哀更欲細看陰態度老龍將雨出山來

至正集卷第二十五終

至正集卷第二十六

絕句

謝祐之桃花折枝

天台不折一枝歸
晴日明窗有所思
流水亂山迷去路
按圖無語看多時

令狐學士金蓮圖

九天光彩動金闈
輦路風香樹影齊
却笑漢家恩數薄
只教天祿待青藜

和李惟中僉事行部十首

湯湯十里失津涯
兔穴盡為魚所家
援溺慙非濟川手
海天猶幸可乘槎

滔天巨浪幾千尺
郡邑隄防亦漫修
畢竟為魚天不忍
而今四海

至正集卷第二十六

七絕四

三十五

總安流

水可亡人亦糞田官曹日見簿書繁欲令讓畔回澆俗虞芮誰能
作九原

聖人在上不為災巨電從渠挾暴頽消遣閑愁須藉酒年來多病
不勝杯

林深逸足迹無蹤不遣周法一掃空赤手於菟猶可搏山棚誰道
便無功弓矢禁嚴乃課民納獐鹿

天家食貨定丕基封畛雖分貴兩宜水部大農猶可念莫教條例
及三司

露處風餐飲犢丸繡衣行部不曾閑但將一念求民瘼休問九重
深帝闕

謫仙詩筆千鈞力方救飢民席不溫回望林慮好山水一機雲錦

負天孫

昨夜狂瀾復舊流一方才免陸沉憂朝廷有道民輸力水部微功
不用謳

號飢萬口久慙慙撲火猶能未及焦使者真儒洞民瘼清風明月
播天朝

次解之昂寄來韻 二首

塞垣霜露報寒深誰識霸人去住心縱有重裘且難禦敢將締綵
受攻侵

消磨歲月雙蓬鬢收斂風烟一草堂千載是非真可畏墨卿無口
解評量

題遺山樂府墨迹

銀蟾渝魄景星微閑殺天孫織錦機回首蓬萊三萬里綵鸞猶傍

五雲飛

錢舜舉漁樵對話圖

水碧山青卷畫中，維舟弛櫂忽相逢。人間話柄知多少，只恐烟村有暮鐘。

太乙宮侍張彥輔鍊師不至和繼學韻二首

聯鑣日晏出黃扉，日斷長空倦鳥飛。不是道人歸不早，我曹多事自忙歸。

京國三年負草亭，眼中空翠擁雲屏。琳宮今日見秋意，風色蕭蕭月滿庭。

右二絕句丙寅歲八月十二日作丁丑四月彥輔請再次前韻以紀歲月

故山林樾鎖岩扉，誰遣冲天試一飛。明日桑乾逢杜宇，多應偏告

不如歸時予將分省上京

歸去求田旋築亭，醉來乘興自書屏。仙人知我思家意，不遣雲山出戶庭。

題趙閑閑書東坡太白贊

謫仙人品世無倫，況得坡仙重寫真。千古懷賢寓奇筆，不應更有捧心人。

宣和乾鵲科石圖

宴安遺鳩九重虛，吮墨含毫思有餘。奪盡天真才小巧，芭桑磐石計何疎。

李唐春牧圖

花鳥春風藹筆端，趙黃曾次不酸寒。李家却解陳三業，只畫春郊黑牡丹。

贈眼醫杜仲文

老禪生具正法眼外物幾時能晦冥只有阮家煩妙手莫教為白
只為青

陳元達鎖樹圖

極諫能教必我從按圖千載想英風都俞吁咈勳華遠却使王臣
效匪躬

贈梅隱

冰玉叢中著此身世誰充隱復誰真暗香莫遣輕吹去見說人間
無好春

題息齋竹經進而賜臣下復歸於李氏者

曾捧清風上九關人間爭睹翠光寒不知雨露深多少直到而今
滴未乾

雪窗水墨蘭蕙為秉藝賦

一幹勻排五七筇紫檀心緒碧雲襦世間不具涪翁眼誰識山林
士大夫

淵明漉酒圖

平生心事在黃虞豈意人間有寄奴歸去一巾猶漉酒宋家冠冕
定泥塗

神山雜詩二首

山留殘雨溼拖雲竹引鮮飈細灑人詩思清如寒水玉休教落紙
恐沾塵

窗扉九夏鎮長開一榻無塵地有苔怪底山禽棲不定竹林風雨
送涼來

次黎東山鳳栖別墅韻四首

風漪翠舞躬耕稻雲錦紅酣手種花杖策尋君迷不得有書聲處是君家

松氣遠侵書几潤竹陰清過酒樽涼有兒能了家庭事何用紛紛更五莊

七里原頭營別業三間堂下有東籬霜林不盡天如洗都是山人未了詩

書傳諸子有萬卷產比中人無十金老瓦盆空猶不寐霜飛月墮覺寒深

贈龍明初

山泉始出清如許山下塵泥變濁流要見泓澄鑑毫髮直須窮力泝源頭

題廖如川雨竹

洗玉池邊秋滿苔溼雲香滴翠痕開此君豈識為霖事惟待丹山老鳳來

都門柳

都門四十里青青幾度迎人幾送行老子有言來汝柳只煩相送莫相迎

書所見二首

陵坡野菜綠如鋪膚受方期宥老榆菜少人多挑掘盡有榆從此盡無膚

田園賣盡及兒孫少壯流移老病存一段昇平好圖畫人間惟欠鄭監門

雨二首

雲漢方憂日蘊隆神功誰辨笑談中歸人不是天涯客一任蕭蕭

夜打蓬

烘衣婢子嗔蓬漏挽索傭兒怨路泥口腹累人猶未免老農方此望雲霓

夜次館陶二首

三老趨程不憚勞船頭坐看月輪高烟村漁火微茫外一簇人家是館陶

浦雲林霧鬱蒼蒼水面無風晚自涼今夜蓬窗應不寐計程三百是吾鄉

即事二首

幾家門繫釣魚船一陣風香燎麥烟畫出太平村落景酒旗多在綠楊邊

遠浦客帆明冉冉前村牧笛響嗚嗚園桑葉盡蠶成繭庭樹陰濃

燕引雛

舊縣觀水迹二首

千里郊原大水餘偶教曉瘠變膏腴只言二麥連雲秀不道田廬蕩已無

浩浩湯湯記去年樹稍留得辨桑田千村萬落乘舟去直到大名樓閣前

出郊見柿園如江南橘林

落日郊原秋滿烟煌煌星火爛將然一時喚醒江南夢恰似洞庭霜後天

同怯林和叔游西山途中口號二首

人人載酒具盤殮盡說監州昔有恩和叔嘗監林州底事當途羅几案只愁旌旆過柴門

城郭囂塵厭往還出城依舊不能閑野人豈識予心事只羨丹墀
第二班

題墨竈寺方丈東壁

四圍嵐氣濕人衣五馬行秋彌節時莫遣鳴箏響空翠恐驚猿鶴
怪歸遲

次雲山上人韻

雲埋墨竈久無烟散作晴嵐簇馬前白石清泉有今日黃塵烏帽
笑當年

出山次前韻

黃葉紛紛落滿衣山僧扶袖下山時莫嫌款段非良足老子行山
正要遲

洪峪寄可行弟

千巖萬壑鬱蒼蒼葉正殷紅菊正黃莫訝荒遊倦回轡要因高處
過重陽

遊善應宿儲祥宮次元裕之韻五首

兔絲休羨附蓬麻鳳鳥還來訪竹花昨夜山翁宿何地水雲深處
玉皇家

溪山好策一枝藤學得襟懷淡似僧舊習掃除猶未盡留詩聊用
記吾曾

幾處青旗映小橋村醪時用慰無聊我來本是逃名姓莫為題詩
更自標

猿鶴烟霞日漸親黃扉人已作山人只應堂下潺潺水能洗東華
舊染塵

琳宮夜靜覺寒生霜碧澄澄浸月明滿耳驚濤不成寐西山雲樹

更秋聲

善應泛舟

郡西風物皆吾土十二年間恰兩迴不棹觥船醉今日溪山渾似不曾來

傑古愚上人奉詔歸山

墨名儒行迹雖殊進退中間見讀書一觀清光便歸去古人政自不曾愚

庚申題馮致遠畫卷丁丑攜以來謁次韻歸之二首

世情物態日悠悠一別回頭七八秋畢竟人間有歸處江湖初不厭予舟

半生蹤跡徧堪輿與世求疎尚未疎可惜淮南招隱賦不知中散絕交書

題張圖南思齋二首在前竹經下

操持有九舉其要念慮至三將反疑試看如愚坐忘處幾多功力到無思

題趙秉彝所藏宋好古竹

千畝雲深幾萬竿月明留影印琅玕佳人心事誰能識日暮西風翠袖寒

絕句

竹枝十首和繼學韻

居庸泉石勝槩多
桑乾北去漸沙陀
龍門鈎帶水百折
一日驅車幾渡河

草軟沙平無長泥
踏歌飲別雁行齊
海青輕騎圓牌去
金犢香車翠袖啼

紅黃簇簇野花勻
千騎騰驤不動塵
圓帳風涼未月牖
方帷日影蔭文茵

邊民總總後來蘇
瞻望祥飈動祝姑
透空何處一聲笛
渾似春風聞鷓鴣

健步兒郎似籟雲
鈴衣紅帕照青春
一時脚力君休惜
先到金階

定賜銀

草色迎秋便弄黃青山盡處暮雲長秋風關塞迢迢路望斷美人天一方

野蔌堆盤見蕨芽珍羞眩眼有天花宛人自賣葡萄酒夏客能烹枸杞茶

使者南來馬似龍一馳三百未高春却笑牛車鳴大鐸道途狹處莫相逢

有懷常擬賦閑居有筆當思頌二疏濯手清灑時一笑少年曾寫萬言書

大安閣是廣寒宮尺五青天八面風閣中敢進竹枝曲萬歲千秋文軌同

柳枝十首同前

灞岸千枝復萬枝隨風嬌困力難支只知擅盡風流態不見清霜搖落時

樹陰沙地白如霜偏拂柔條惹恨長灤水有人思翠嫵章臺無計綰絲纒

昔時相見眼俱青未許霜風一葉零十五年來樹如此可憐張緒鬢星星

龍岡照映兩三枝恰似天河種白榆天河尚有鵲橋渡半載龍岡無寄書

世有別離無可奈汝逢攀折漸成稀灤江却是多情樹不送行人只送歸

龍沙五月恰飛花飄泊渾如客去家不化浮萍隨水去恐教浮蕩有根芽

五人金勒趁陰騎萬縷千絲故故垂行盡沙堤時按轡袖沾飛絮
口頻吹
江岸溪橋到處逢笑渠節操不如松而今僕僕黃塵道却對長亭
笑殺儂
雨後川原風色淒遠連烟草共低迷不聽黃鸝深處語夕陽惟有
亂鴉啼
越女吳兒盡識儂江湖處處可相容明朝更約梅花去不與爭春
與作冬

和繼學壁間韻

莫道催歸無杜鵑數聲征雁夜如年思婦多應挑錦字將軍休待
勒燕然

題武宣翁氏湧翠亭

亭前山勢渾如浪勢自奔騰體自閑老子相看肯輕出江湖却有
浪如山

立秋

灤京長夏似涼秋況此持權屬蓐收莫使風霜便揚厲九天龍馭
即回輶

思歸

思歸不惜歲如流日望西風早作秋只知倦客還家好不見秋風
催白頭

次賈伯堅右司寄來韻四首

清風千里墨痕香琢出天球潤似盼已為郢歌翻白雪更將仙杵
搗元霜

酒來宛國注紅香魚出涼亭薦雪昉多病浪仙都負此空哦清句

嚼冰霜

書室惟須辟蠹香
鉛刀誰遣試摹肪
相思夜夜秋衾夢
菊有黃花蟹已霜

賜霑魚鳳玉脂香
大笑輕身服雁肪
華髮侍臣歸有日
駕鵝先報一天霜

梨花鸚鵡扇頭贈李如淵

言非鸚鵡莫說說
力不能高忍爾庖
白雪香中風日好
慎毋踰濟更來巢

和友人北苑馬上四首

古木陰陰覆苑牆
雁程霜早碧雲長
欲知聖德如天處
最近來庭是越裳

高榆矮柳遠參差
一幕秋空碧四垂
莫笑從臣歸太急
人間天上

共秋期

萬事浮雲一瞬過
何勞辯口似懸河
北風捲雨城南去
明日灤江水又多

金蓮紫菊帶烟鋪
畫出龍岡萬世圖
直使玉墀到青塚
漢家當日有人無

代書寄可行第十首

灤京尺素寄沙羨
料理田園有事宜
檢校便當勤檢校
參知行欲自參知

祠堂花木已繁陰
見說栽培用力深
南土常年秋喜早
更宜澆灌待成林

叔季勤勞共相攸
為予高作蓄書樓
先公遺後一萬卷
明日投簪去校讎

樓後樓前地有餘，
楚心常愛樹扶疎。
四時花木須栽遍，
更作蓮池就偃豬。

漢川雲夢有租田，
今歲應逢大有年。
約束諸僮公出納，
羨餘留糶杖頭錢。

雙鶴廣陵來，
故廬啄苔穿竹日相娛。
莫教忘却踰躓態，
歲晚待渠從老夫。

桂花初放小山幽，
更有葡萄映石榴。
食實折花歸有日，
休教蕪蕩負清秋。

當年手自植，
枿別後長添幾尺餘。
說與園丁宜善視，
老饕歸欲食其魚。

文竹移栽只五根，
來時無數長兒孫。
不因繁冗休輕剪，
要使清陰過酒樽。

眼花齒動鬢斑斑，
三十年來不暫閑。
多少家庭纖悉事，
從今先約莫相關。

題善原道經歷所藏唐人曉粧圖

錦帳春寒曉起遲，
臨鸞無語更嬌癡。
勻裝未了花陰轉，
已過農家鬢盪時。

贈瀏陽連平山上人其人工裝潢

平山山下連浮圖，
長日空門力有餘。
却是墨名儒者行，
肯來裝緝我家書。

題吳德輝母貞節詩卷

貞節千年詎陸沉，
傳芳猶欲託詞林。
吾衰不辨如椽筆，
深負區區孝子心。

題龍遜甫耕雲堂

滿山深鎖白英英不解為霖但可耕只恐無心忽飛去楚人何處望秋成

贈五星黃見心

人心雖奧不難窺天地之心尚可推直待韋編三絕後恰知雷在地中時

龍眠畫十六羅漢

西方百萬億菩薩老李偏圖十六人八凱八元無覓處空中樓閣有麒麟

飛鳴宿食雁

陣雲清落數聲寒飲啄江湖夢亦安莫到衡陽便回去陰山春盡雪漫漫

周岳甫雲山圖

丹崖千丈杳難攀雲去雲來一樣間底事老禪言下悟不觀雲氣只觀山

題劉光遠林禽白頭公圖

林深果熟足身謀爾復何憂亦白頭莫訝塵纓縛仕宦蕭蕭雙鬢早驚秋

題鄒鍊師古齋

十二萬年餘幾年人心世道日堪憐之人欲究先天意試看庖羲未畫前

僧柿林墨蘭

素紈如水汎崇光回首春風九畹荒一自湘纍紉佩後深林幸負幾多香

野園見碧桃

臉霞消盡見清真應笑崔卽不識人鄭重莫誇天上種深山幽谷一般春

昭靈江樓卽事

翠幕紅旗拜嶽船凝笳疊鼓動江天千花萬柳疑無路一點衡峯在眼前

壽寧宮白龜泉有築室祀軒轅彌明刻韓子聯句於上作口號以喻岫雲懶雲二提點

不須聯句夜紛紛石鼎惟堪煮白雲若向衡峯問端的空同山叟是鄒訢

昭靈江樓廷鎮招飲罷風雨中解舟泊西岸

伏波祠下水澄澄急雨狂風兩半醒楚峽雲歸棹歌起隔江燈火看昭靈

題廖氏西山用廷鎮原功韻二首

聖時何用效夷齊修竹雲深鳳可棲政自不須勞手板清風明月互東西

烟霞香靄隔夷庚新月斜陽畫不成萬里風來好乘便等閑吹上碧崢嶸

息齋着色竹

錦棚新出玉亭亭便領蒼寒月一庭底事清風藏不得直教高節著丹青

李遵道科石二首

千霜凌轍百霆摧半是枯榴半是苔中有古春無盡意郊原誰羨萬牛來

一卷蒼蘚頑不轉千尺冷雲僵不飛從知難勝柱石任爾厭山林

何所歸

題本齋用廷鎮韻

山林雨露積微涓毫末行將薄九天仁義栽培正如此要知根柢
在心田

題乘槎圖

環海周流不易時有人乘去欲何為如何取得支機石更問偷花
翫世兒

寒江獨釣圖

梅花無影水無漪舟入遙天晚更微收拾綸竿沽酒去又教披取
一蓑歸

僧待渡圖

落日青山遠欲無蒼烟深處有浮圖老僧不辨馮河刀却笑當年

有折蘆

墨梅

才別瓌江萬玉飛又從毫素見橫枝春風可是無拘束吹到人間
第幾詩

墨蘭

騷鄉人來未忘情莫訝無香浪得名九畹有魂消不得巫陽招與
楮先生

白猿授書圖

異途邪說騁榛蕪豈識人間有廣居河不出圖龍馬逝野猿傳受
定何書

至正集卷第二十七終

至正集卷第二十八

絕句

仲達送予至湘陰別後順風比晚行三百里悵然有懷作二

絕寄之

吾子才華我最知鬢毛回首各成絲
汨羅江上一杯酒萍水相逢

又幾時

江籬杜若滿汀洲騷國春來亦可愁
一日順風三百里故人何處望予舟

無題

去年曾約牡丹開同向花前把一杯
今日花開人不見對花無語却歸來

原功題馬宣使墨蘭二幅後云寄予一笑因次韻書其側且

寄原功

晚香連水水連天人到湘皋骨已仙
薄領如山空看畫江南秋色正清妍
秋蘭香裡翰林家只寄新詩不寄花
應笑塵纓戀京國豈知心在楚天涯

題姑射乘龍圖

姑射仙人昔住山乘龍飛去幾時還
只知堯舜如陶鑄不道聲名墮世間

題三教啜醋圖

吾儒風味格堅頑二氏而今亦慕酸
涓滴沾濡已如此鼻容三斗故應難

貢院陪諸公夜話俄聞曉鐘

燭花蔌蔌褪春紅睡思消磨語笑濃
底事東風敗人意半天吹響五更鐘

催諸公考卷

添燭須教夜達晨繼茶莫遣睡欺人
城南桃李城東柳政好聯鑣管領春

雄飛和詩未至以二口號速之

騷壇紀律素嚴明一幟撝風到處羸
何事而今苦堅怯有人乘夜欲登城

兩廳形迹馬牛風盡日相望香靄中
恰似蓬山三萬里懷人何處覓詩筒

何國器以精藝受知出而徵入者數矣
出守江陰尚慮其不果行也書以贈之

華髮蕭蕭舊秘書
木天圖籍幾勤劬
莫教作郡江南去
天子時時幸石渠

過街塔原功名之曰雪竇
又謂之名利關竇言其狀關言其實也
過之有感賦二口號

來往憧憧急欲飛
此關泰透古來稀
老夫今日出關去
却是罷參真欲歸

石城瓊壁聳浮屠
一竅開通作要途
為問幾人能不竇
更從竇外覓江湖

歲晚喜晴

窮冬長路遽跋跋
風景彌旬暖似春
造物見憐知有為
平生真是負暄人

車中戲作

不是車中有布乎
亦非客子事狂圖
却須側掛一壺酒
道路荒涼無處沽

贈胡謙牧

尋常公署復朝參
會面何由一接談
却是老天相補報
直教聯轡過燕南

獨樂臺用眠分黃犢
草坐占白鷗沙為韻
分賦得首尾二字
疎慵閉戶事高眠
幾負郊原雨後天
今日野心收不定
馬家莊上好林泉

濺濺流水抱村斜
半入蔬畦半漚麻
故里溪山足風物
慎毋重踏一堤沙

題仇公度總管首陽采薇圖

史遷怨氣因舒泄
吏部雄文痛發揮
盡美未能兼盡善
益知周粟

不如薇

吳道子周處磨劍圖

長蛟猛虎不難屠大勇其惟改過乎拋却步光為善士方知自礪
有功夫

范寬積雪圖

岡巒樓閣闢清妍一段空明水五天不到閭城東向望范家神妙
若為傳

薛思孝夢菊堂

華胥鄉裏有東籬冉冉寒香步步迷政爾神交陶靖節月斜霜落
忽聞雞

題明道贊後 房希文教授求題

聖遠經幾道晦蒙茫茫千四百年中墓頭兩字形容盡未可尋常

議潞公

七賢過寒林圖為蔡仲謙運使作

竹林陳迹已無稽作者七年復有誰稽杜爐邊不安坐天寒日暮
欲何之

溫子昂畫天王

萬年麟史著尊稱底事空門妄欲爭尺許斷縑何足咎古來多少
盜虛名

李將軍畫馬用班彥功韻

真龍幻出笑談間想像初離十二閑只恐風雷終變化九天飛去
幾時還

寄李仲舒二首

東風暫別已傷神駟騎何堪又海門明月涇溪桃李下春風誰與

共清尊

水曹清貴治吳邦更有風烟助錦囊後夜吳淞江上月多應移照
柏臺霜

題崔鑑泉署丞作春山隱秀扇面

半生給事五雲間慣作蓬壺富貴山移八月輪收不住光風浮出
翠孱顏

米元章臨歐陽詢帖

米家神俊不可遇時學歐陽險勁書只道叔教無少異豈知優態
未能除

高宗臨王羲之七月帖

帝王言道不言書況復時丁板蕩餘偶效右軍書七月中原王業
定何如

王右軍屏風帖宣和所收

鼠鬚蘭紙久消磨誰信王書世不多片楮多應有神護永和流播
到宣和

高房山青山白雲圖為蔡仲謙運使賦

房山人品素高閑流出天機肺腑間一片冰紈才數尺幾重雲樹
幾重山

再用鮮于伯機郭安道韻題房山畫二首

亂雲斜日遠冥濛樵徑縈紆一線通可笑無根滿林樹春風才發
又秋風

杳杳層樓出半山森森寒木護重關白雲不去為霖雨要與青山
一樣閑

題李師孟嵩雲堂

極天終古翠巍巍能聚陰陽贊化機寄與降神申甫輩出為霖雨
莫忘歸

甲申元旦春帖

雪消春意便暄妍靜看天機善斡旋試筆晴川記風景青天白日
甲申年

題羣魚圖

名品雖殊樂意均藻香蒲軟一湖春莫言惠子非知者猶勝臨淵
羨汝人

蘇彥良西塾堂四絕

春雲護雪未全消老柏垂冰冷不搖雁柱十三絃上月酒闌香燼
可憐宵

飛筵紅袖不知寒春在歌喉暖響聞我輩年來要陶寫好將西塾

作東山

蒼苔滿徑樹連村中有幽人屐齒痕此去客來宜定約無詩無酒
不開門

築堂西塾事西疇桃杏才春麥又秋慎勿下堂東向望禹商毫末
沸牙籌

安平孫茂實九十八不衰諸公有詩賀其高年耆德

九十八年猶矍鑠百千萬事任浮沉郊原杖屨親朋酒此是期頤
未了心

題對鏡寫真圖用滕玉霄韻

鏡中紙上共三人為問先生孰是真自古聖賢皆不死楮生何足
託吾身

題千葉桃圖

五出凡花一掃空萬重千疊裏春風連昌有竹堪為侶底事牆頭
荻荻紅

敗荷鷺鷥扇面

葦折荷枯水有聲楚塘斜日影伶俜鷺鷥班裏忽飛去點破西山
一段青

題和叔扇頭時坐登瀛樓

樓居高出白雲間不為求仙只為山領取烟嵐無限景天教吾與
子俱閑

天竺方丈題和叔扇頭

涼颼深殿更颼颼老柏疎篁已報秋弱水波濤三萬里人間自有
小瀛洲

陪明初行獨樂臺溪邊得口號

寒波清淺帶霜流不到溪邊不見秋疊嶂層崖三百轉樹梢擎出
月如鉤

次白公嚴韻謝其寄酒與柑

任城綠醕侑黃柑遠寄山中豈所堪香霧噴人醒易解不教飛夢
到江南

題弄花香滿衣圖

冰綃桂縠縷金裙浮動紅芳亂綠雲捲却六銖春沁骨荀卿無復
事爐熏

理宗書金丹詩以下四首題翰長開府公卷軸

常笑秦皇與漢皇一生徒夢白雲鄉東南蕞爾垂亡國猶說金丹
事渺茫

杜子美騎驢醉歸圖

田翁招飲不煩沽時事多憂一醉除天子乘驪蜀山險浣花溪上
分騎驢

竹

玉立蕭森幾百竿陰晴風雨各平安石兄節操不可轉宜與此君
同歲寒

虎

畫虎不成常類狗伊誰畫狗却如獅世方取貌不求實猛獸滿山
知不知

城樓暮靄以下八首詠東城之景

樓上烟霏暝欲無樓前車馬正馳驅幽人不為晨昏迫只看天然
水墨圖

杏花初春

玄都道士不栽桃却愛生紅鬧樹梢此去東風吹不散仙家自有
鳳麟膠

灞蓮香雨

紛紛穀擊復肩摩有此清漣萬柄荷沉水香中宜早賞秋聲不似
雨聲多

洞陽午暮

琳宮寒闥子聲頻樹影初圓局幾新門外茫茫名利海可憐柯爛
竟無人

西圃晚眺

秋容淡淡映疎雲聊向蒼苔散屐痕欲採紫芝心萬里斜陽盡處
是崑崙

延翠秋晴

霜清木落靜無埃
邀得西山入座來
爽氣已供朝拄笏
烟光更助暮銜杯

女牆積雪

千堆瓊瑤琢不開
隱然凹凸混皚皚
皇州寒盡春如海
不似秦淮月過來

寒林噪鴉

樹梢斜日下遲遲
啼破荒烟揀一枝
不為上林無着處
寒林宜畫更宜詩

至正集卷第二十八終

至正集卷第二十九

絕句

調趙子期二首

玉堂學士日攻文
不識郊原有好春
得見杏花千百樹
却因東郊送行人

春來頻約趙崇文
同避紅塵踏暖雲
底事相逢却歸去
杏花今日雪紛紛

題經筵安全驛使新刻千文賜本二首

芸閣風清晝景進
楮生毛穎侍多時
吾皇游藝起今古
能事猶推智永師

隋僧變滅等浮雲
七十三行墨尚新
閣本重翻鐵門字
聖恩均到石渠人

至正集卷第二十九

七絕七

五十九

題趙仲穆二馬圖

曹韓遺跡已無多，松雪堂中見小坡。
珍重雙龍莫飛去，人間銅式久消磨。
房星淪彩渥洼竭，神物誰令畫得成。
幸自天閑異虞，忍教立仗不教鳴。

題愛蓮圖用卷中魯子暈韻二首

光風霽月不可見，奔軼誰能繼絕塵。
看取芙蓉葑中意，一番花發一圖新。
昭昭無極發天倪，底事之人路尚迷。
但使愛蓮知所愛，世間何水不濂溪。

題段吉甫助教武夷山圖

千巖樓閣溼青紅，一水盤迴萬壑通。
不為風烟有佳色，紫陽道氣

在山中

題單父宋希賢孝友詩卷

家貧身壯贅它門，有志渾如不贅人。
致樂致哀終子職，肯教秦法變彝倫。

和神保欽之御史監試上京韻四首

蹄林雲霧護皇州，貝闕珠宮遠似浮。
驄馬歸時人盡道，槐花開徧上林秋。

灤水天家第一州，赤霄樓觀紫烟浮。
因君記我昔此役，二十五番鴻雁秋。

茫茫九點認齊州，大地如舟日夜浮。
龍虎臺前新雨霽，人間無此一天秋。

醉眼曾空十二州，肯隨人海共沉浮。
白頭不用悲陳迹，木落霜清

恰見秋

次拔實彥卿雪中見示韻六首

矇矓曉霧勒晨光一樣隆寒兩月強欲和陽春呵凍硯老夫持酒
手猶僵

殘雪虛窗夜有光小齋清話意差強江南不寄梅花信冷眼看
萬水僵

東華射圃接天光日日趨朝看挽強白髮無能思補報肯矜霜簡
幾人僵

曾向騷壇接步光將雖云老尚兵強莫言白戰無英氣百足商蛇
死不僵

晃朗江天炫日光玉峯寒立闢高強自然有類昌黎筆籍湜誰能
走且僵

誰因景物競流光為學終身貴自強身立程家門下雪從知寒氣
豈能僵

題岳陽樓圖為幹樂泰議賦

憶昔登樓得句新君山湘水共無塵而今見畫思陳迹深愧先憂
後樂人

題滕王閣圖

賜麻帝子久無聞南浦西山自雨雲遂使閣名傳不朽却因駢儷
一篇文

謝淮東廉司經歷馬九霄畫鶴見寄

騎上揚州不可招一朝蛇影入水綃凡夫豈敢留仙驥却遣御書
赴九霄

題澹然平章鷄子

至正集卷第二十九

七絕七

六十一

西風涼動早秋天小雀何須畏杜宣見說微形多變化好為布穀
莫為鷓

題明初扇

廣文庭下草青青絳帳秋風一夕生詩思莫教鄉思攪江湖華髮
我同聲

中秋可行招飲因誦東坡明月明年何處看之句座中請明
初可行各和其韻予得二首皆用三疊體仍命楨賦

夜來風雨不成寒似念幽人在考槃老夫老態月應道明鏡明朝
君自看

夜深風露恰知寒風在絺衣露在盤一樽濁酒對明月千里佳人
應共看

題明初所藏暮雲樓閣圖

倚空寒立翠孱顏樓在重雲縹緲間松下罷琴人未去夕陽應待
鶴飛還

題明初所藏青山白雲圖

不成蒼狗不成衣添出峯巒一段奇雲去雲來山自若笑定前日
作霖時

溪上樓

以下八首詠徐氏竹溪之景

一曲清波不受塵倚闌長日翫翕淪風煙莫道翁收盡撞透烟樓
更有人

竹間樓

高居已是脫卑凡况在蕭森冷翠間欲識此君清絕處盡遮塵俗
不遮山

扁舟亭

陸居無屋舟無水得似先生屋作舟人海茫茫我何有且教滿載一天秋

藍田別墅

輞川邱壑蔓寒藤境異心同有此名見說主人惟種德不須石子玉還生

桂墩

翁家多桂鬱成堆幾度秋風幾世栽好是麟兒成宅相蟾宮又折一枝回

釣臺

石巖雲矗俯深溪下有清風動一絲我亦忘魚聊復爾可憐溫水誤昌黎

石塢潭

鄮塢金多竟不存清堅輸與老雲根潭中鱸鮓知多少已有飛騰過禹門

軍山

昔年屯聚亦偷生今日柴扉夜不扃却羨此山能領會時危時泰一般青

題子昂竹石

坡仙戲墨是信手松雪晚年深得之兩竿瘦竹一片石中有古今無盡詩

題班彥功山水扇頭

錢塘江上又秋風老友淪亡夢不通勝槩肯教同羽化山河寫在月輪中

作樂導水

以下二十四首次韻可行圭塘雜詠

洄溪混混源頭活分得支流入小塘怪底凝雲吹不散管絃聲滿
水中央

攜榼落成

一犖才空一曲隨胼胝今日頓忘疲年來懷抱須陶寫敢笑長安
衆富兒

柳下聽鶯

萬條金縷裊長身勾引遷喬語意新休向建章誇百轉陶家門徑
有餘音

舟中對鷺

禪定聯拳斂素裳豈知船上載紅粧主人有約休相負多少魚兒
要汝忘

荷觴酌酒

野人飲具謝玻璃自有天然軟玉卮蕩漾翠濤擎不定有人談笑
任淋漓

蕉葉題詩

騷鄉縑楮寓芭蕉翠瑩尤宜運紫毫風致於詩真有助卯君才調
况清高

荷淨納涼

柳陰多處着方牀萬柄無塵各有香危坐悠然受清供風聲撼撼
更秋涼

開牕看雨

一時清響鬧新荷其奈龍公不肯多窗外風光吾不校四郊未黍
定如何

松陰獨釣

半世京華困鼎茵，高風時復夢元真。可憐緣木求魚者，今日君其問水濱。

與客泛舟

欸乃聲中動畫橈，不須舟子更招招。而今赤壁荒寒裏，試問何人有洞簫。

日夕觀山

林慮千仞翠巖巖，畫工夫在暮嵐從。倚崇臺觀未足紅輪西北，月東南。

西堤晚眺

小亭何用赤闌橋，細柳新荷綠四遭。落日胡床更東望，碧天如水月輪高。

雨中移竹

山人聚景作池臺，移得龍孫帶雨栽。頃刻雲開晴日上，便教陰過酒樽來。

月下觀梅

空明雲水碧搖沙，踈影尤宜竹外斜。為我殷勤謝僮父，莫疑繁李玉川家。

倚檻觀魚

魚樂江湖自不知，非魚非我敢相欺。卮言我不如莊惠，終日觀魚只有詩。

繞堤種菊

紛紛紅紫厭相看，老境才將蔗倒餐。不向四堤皆種菊，風霜誰與共高寒。

竹間開筵

翠寒深處斲蒼苔香霧霏霏晚自開從此一筇雙不借尋詩迎客
幾徘徊

水口聽琴

幽栖長物一張琴時對清流自寫心老子興闌童子去月明懸溜
有餘音

獨坐投壺

綠陰清晝矢鳴壺慶馬何煩用酒娛有主無賓聊一笑却呼僮僕
煮皋盧

登臺縱目

老眼常疑萬象低憑高遠景更萋迷只從此地觀吾圃便覺江湖
是小溪

調白蓮

仙姿皎潔映圓臺真見凌波姿意開却是圭塘宜產汝朝陽東照
玉成堆

調水芙蓉不花

南土風宜陸地蓮移根培植不能妍世間久絕司花手却道殷韓
是偶然

調湖石

一拳千古碧崔巍閱盡人間紫與緋老子未能兄事汝醉來聊用
掛絺衣

聽箏

冰絃轟列倚歌輕絃外無聲却有聲我自忘情聊過耳幾人聞此
發狂醒

酒間得口號二十八字

卯君為我鑿圭塘荆棘化為雲水鄉昨夜荷香新雨過一年勞費盡銷忘

大雨兩晝夜僮屋盡仆惟軒前新竹綽有生意得二十八字以為口號

一夜銀河瀉欲乾桑田幾似海漫漫岸頽牆仆吾無憾栽活蒼筤數百竿

雨後觀竹乃有腫墊摧折者數叢因用前韻

憶昨移栽怕雨乾豈知平地水瀾漫此君於我真無負摧折猶堪作釣竿

聯句

盆菊

霜卉日已腓寒軋層空澄有壬大明麗若木忽自東海昇熙照我

衡茅下南金爛稜層有壬密葉肥晚翠踈根瘦秋鷹熙曉茲貞淑

質夙著隱逸稱有壬佳名豈易得高風邈難仍熙心將東籬興迹

遽華筵登有壬美人遂幽討晚歲欣得朋熙誰令頽與紫亦復相

依憑有壬黃裳本元吉間色詎能勝熙頎然挺尋丈敬傾待維紀

有壬植以葛陂杖茲以荆溪藤熙通譜品逾百口說為公膝有壬

宗既別大小祖亦殊高曾熙濃如胭脂沁潤如酥膏凝有壬鮮如

剪朝霞清如裁春水熙肉色映蒙締體素動研綾有壬百疊瓚碎

瓊千重蹙文繒熙鶯羽乍出殼魚鱗駢有稜有壬亭亭矗巨杯燁

燁開華燈熙長身不免弱擎重嗟未能有壬摘剔留數花花損氣

益增熙出奇世豈眩奪巧天應憎有壬人力固云勝物性奈失恆

熙平生愧學詩多識猶僂僂有壬不如坐對之政似羅豆筭熙真

趣漸漸得香氣浮浮蒸有壬微吟慰晚節大勝峨松丞熙有花思

陶潛無酒思王弘有壬南陽飲潭水壽者如岡陵熙所以遊世翁
有樂在曲肱有壬傲晚風露表春花我方懲熙況為養性藥耶之
可騫騰有壬當年與花別待漏常難興熙縻爵夢三徑歸田雉荒
芳有壬三徑幸猶存清興聊復乘熙庶幾韋表微千載驥附蠅有
壬客未涉吾圃老圃喚不磨熙灌漑瓶屢罄詠歌筆已僧有壬身
雖老瓦託氣欲南山凌熙野人富勝事行有梅繼承有壬此盟未
歃血此語已服膺熙又恐遠莫移健步勞屨膝有壬孤根豈情然
遂應玉帛徵熙彼蕙樹百畝妄以多自矜有壬芳枝愧直堅恐負
騷人諷熙真賞各有適蜂蜨徒翦翦有壬詩壇戰及甲齊晉壓杞
鄒熙尚憐秋如海軒之以斗升有壬從公勺一勺臨淵劇兢兢熙

